

豫章

焚

書

第七八冊

藏

書

藏

書

卷之四

吾吾類稿

庚申五月刊

于南昌退廬

欽定四庫全書總目卷一百六十八 集部 別集類

吾吾類稿三卷

永樂大典本

元吳皋撰皋元史無傳志乘亦失載其姓名獨
永樂大典各韻中頗採錄其詩文題作吳舜舉
吾吾類稿又別收胡居敬等原序二篇略具行
履知其爲臨川人乃宋丞相吳潛諸孫早游吳
澂之門嘗官臨江路儒學教授元亡後抗志不
出遯跡以終而不著其名惟王圻續文獻通考
載有吳皋吾吾類稿之目而集中祝文亦有皋
忝游宦語知皋爲其名舜舉乃其字也皋工於

韻語所作大都以朴澹爲主不涉元末佻巧纖靡之習詩中紀年多有庚寅壬辰及癸卯甲辰等歲名時值至正之季盜賊縱橫目擊艱危每深憂憤如和劉聞廷擬古十章反覆於國步將傾藩維弛節而繼之以堂堂潯陽守重義知所本云云特表李黼之忠烈以激厲當時其志有可憫者雖其骨格未堅尙不能抗行古作者而纏綿悱惻要不失變雅之遺意焉集佚已久顧嗣立元詩選蒐羅最廣亦闕而不載今從永樂大典哀輯共得詩一百二十餘首釐爲三卷其

雜文十餘首亦附於後備考核焉

強圉作噩之祀余還江右抵臨江假寓天寧寺寺密
邇郡庠因與教授吾吾吳先生舜舉游先生嘗語余
曰郡承大亂之後民皆習武事厭儒術學宮雖存絃
誦絕響教無所敷吾甚恥之旣而時異事殊先主屏
居閭里闢一室續學藝文惟以奉親訓子爲務勢利
紛華之習眎之漠如也郡洊罹兵變干戈相承學官
荒闕袁筠之境遺民逸士聞先生名每延置其家奉
贊請益雖武夫悍將多遣子弟就學焉四方搢紳大
夫求詩若文戶屢恒滿平居無事操觚染翰著述不
厭境與意會必形之吟咏學者多傳誦之遭時多難

竟齋志以歿惜哉先生歿十餘年其子均彙次遺藁
屬爲叙余嘗見先生文集篇帙甚富今所存僅若此
蓋掇拾於喪亂之餘不能全也先生之文典實古雅
從容於法度之中其爲詩冲澹和平發乎性情之正
世之工乎侈靡浮麗以流連光景嘲弄風月者不可
並論也先生世家臨川履齋丞相之諸孫也蚤游吳
文正公之門獲聞聖賢之學故處乎斯世卓然不易
所守使得位而見諸用其事業必有可觀也詞章云
乎哉均字仲權好學而文能守其家學云渝陽胡居
敬叙

吾吾類稿目錄

卷一

四言詩六首

五言古詩七十四首

卷二

五言古詩六十四首

七言古詩三首

卷三

五言律詩十六首

五言長律二首

七言律詩六十五首

五言絕句十二首

七言絕句十一首

雜著十一首

吾吾類稿目錄

吾吾類稿卷一

元 吳皋 撰

四言詩

答穆文學代竹言

猗猗青筠翳於崇岡
羃羃繁陰媚彼飛鳳
有美君子德音孔彰
樵彼斧斯斲苗芟篁
永貞是保爰底于昌
靈湫宅神龍也筠之
城隅有泉淵然泉上
爲宮肖龍以人雨暘
疾疫民有賴焉沉詩
其間神或樂之故作
是詩以投之

泓彼淵湫閎靈城陬
爰宅其幽承其庇休

三言類卷一
泖淵以融築之新宮肖人而龍厥貌有顙
奕奕其庭濯濯其靈被於羣生嘉祥是徵
嗟予不辰國步薦迍有德靡伸余何其臻
陳而詩之或言遺之辭之鄙矣式塵視矣

靈湫五章章四句

五言古詩

贈人歸覲鍾陵

落日白荒荒遵渚飛冥鴻苦寒縉纈溥淒其號朔風
客買鍾陵舟泛泛烟霧中自言定省曠疾首如飛蓬
行矣勿滯留觴酌忻暫同不憚畏塗遠且竟信宿工

道經掘獄地尙憶劍氣紅邊烽亘殘壘離思徒忡忡
筠邑丞禱雨有感賦以贈之

覓望眾方協枯焦感愆期順成責司牧肯以叔季辭
筠邦執徐歲蒔芸亢陽曦龜拆布疇晦百穀日已萎
邑丞具齊沐懇款重致詞靈湫詰朝詣甘澍應若隨
孰云璇極高頻聽亦孔卑寸念感冥寂豐穰端賴之
黔首困兵革宜卹凍與饑君子垂豈弟允冀遵良規
送人赴金陵

風雨畢餘春飛花急如霰衡門竟朝掩好樹還葱蒨
故人隔峽表不得長相見忽聞有遠役去去游海甸

扁舟指吳會更逐長風便自是俊逸才列判騰高薦
不獨蘇與張清談縱雄辨眷余篤友誼不辱鄙微賤
成名早歸來英游總驚羨

遣麴生并序

麴生於余友義尤篤由髮燥迄今無間言當
余忻榮得意時其親愛不失左右及憂悲愁
戚窮悶無憀卒蒙周旋其間宣力居多或感
發或憤激或消釋或弭忘卽事計功夷險一
節殆踰夫直諒多聞者一日遽改容若欲謝
余以請絕色甚厲氣甚冽艷焉以進而焉以

沮非余間生生之實余間也邈不可詳自顧
無所取將者召之前俾殫其衷以釋其惑生
于是惶惑自訟曰不自敬德和而靡節或涵
或酗爰耽爰溺詒譴于躬故茲決絕言訖歛
衽而退又若彷徨眷戀而弗忍者遂爲五韻
詩以遣之

抱戚坐衡宇癩憂日以瘁玉友告交絕短氣復慨慷
靡究獲嚴譴盍亦反自臧久服狂藥醉遽絕心孔傷
俛默謝儀狄因之戒荒亡

採樵山中作